



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

Broj: 01-11-4-2519-11/21  
Datum: 01.02.2021. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo“, br. 1/16, 26/19, 31/19 i 39/20), člana 100. stav (3) Zakona o javnim nabavkama („Službeni glasnik Bosne i Hercegovine“, broj 39/14) i člana 200. stav (1) Zakona o upravnom postupku F BiH („Službene novine F BiH, broj 2/98 i 48/99) u postupku po žalbi ponuđača „Lala i Laćo“ d.o.o. Bijeljina, zastupan po punomoćniku Grozdi Đukić, advokatu iz Bijeljine, izjavljenoj na Odluku o poništenju postupka javne nabavke higijensko-potrošnog materijala za potrebe Ministarstva unutrašnjih poslova Kantona Sarajevo broj: 01-11-4-2519-8/20 od 04.12.2020. godine, ministar unutrašnjih poslova Kantona Sarajevo, donosi:

### RJEŠENJE

1. Žalba ponuđača „Lala i Laćo“ d.o.o. Bijeljina, izjavljena po punomoćniku Grozdi Đukić, advokatu iz Bijeljine na Odluku o poništenju postupka javne nabavke higijensko-potrošnog materijala za potrebe Ministarstva unutrašnjih poslova Kantona Sarajevo broj: 01-11-4-2519-8/20 od 04.12.2020. godine je blagovremena, dopuštena i izjavljena od strane ovlaštenog lica.
2. Žalba se djelimično usvaja i poništava se Odluka o poništenju postupka javne nabavke higijensko-potrošnog materijala za potrebe Ministarstva unutrašnjih poslova Kantona Sarajevo broj: 01-11-4-2519-8/20 od 04.12.2020. godine i postupak se vraća na ponovnu ocjenu.
3. Usvajaju se troškovi za sastav žalbe u iznosu od 562,50 KM (petstotinašezdesetdva i 50/100 KM).

### Obrazloženje

Ponuđač „Lala i Laćo“ d.o.o. Bijeljina, zastupan po punomoćniku Grozdi Đukić, advokatu iz Bijeljine, podnio je ovom Ministarstvu žalbu na Odluku o poništenju postupka javne nabavke higijensko-potrošnog materijala za potrebe Ministarstva unutrašnjih poslova Kantona Sarajevo broj: 01-11-4-2519-8/20 od 04.12.2020. godine.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



Žalba je dopuštena, izjavljena od strane ovlaštenog lica i blagovremena.

Žalitelj je naveo tri žalbena navoda, a ugovorni organ je nakon razmatranja svakog pojedinačnog navoda utvrdio sljedeće:

**Prvi žalbeni navod odnosi se na nepostupanje po uputama a i stavovima Ureda za razmatranje žalbi, broj: JN2-03-07-1-2563-10/20 od 26.11.2020. godine.**

Prvi žalbeni navod je osnovan i izvršena je ponovna provjera kvalifikacije ponuđača u skladu sa minimalno zahtjevanim kvalifikacionim uslovima u TD pri čemu je utvrđeno sljedeće: Potvrda za dobro izvršenje ugovora i Spisak izvršenih ugovora kod ponuđača "Lala i Lačo" d.o.o. Bijeljina je u skladu sa članom 48. stav (3) te se konstatuje da je ponuda ponuđača „Lala i Lačo“ d.o.o. Bijeljina kvalifikovana, kao i formalno pravno ispravna.

**Drugi žalbeni navod ponuđača odnosi se takođe na pogrešno utvrđeno činjenično stanje u ponudi ponuđača „R&S“ d.o.o. Sarajevo, te je kao takav osnovan.**

Ponuda ponuđača „R&S“ d.o.o. Sarajevo nije kvalifikovana kao ni formalno-pravno ispravna iz sljedećih razloga: Kod dostavljenog uzorka za stavku pod rednim brojem 47. tenderske dokumentacije ponuđač „R&S“ d.o.o Sarajevo dostavio je neadekvatan proizvod Lilla Ambient 250 ml sa raspršivačem, koji ne odgovara karakteristikama traženim tenderskom dokumentacijom jer ne sadrži u svom sastavu „Geraniol“ kako je traženo u Obrascu za cijenu ponude. S obzirom da ponuda ponuđača „R&S“ d.o.o. Sarajevo nije kvalifikovana te kao takva ne može biti dalje ocjenjivana niti poređena, a što je u skladu sa članom 65. stav (1) ZJN, ugovorni organ nije tražio pojašnjenje neprirodno niske cijene

**Treći žalbeni navod ponuđača koji se odnosi na zahtjev žalitelja da ugovorni organ donese novu odluku kojom se ugovor dodjeljuje ponuđaču „Lala i Lačo“ d.o.o. Bijeljina je neosnovan te se kao takav odbacuje.**

Razlog odbacivanja ovog žalbenog navoda: Ponuda ponuđača "Lala i Lačo" d.o.o. Bjeljina je jedina prihvatljiva ponuda, te ugovorni organ ne može održati e-aukciju koja je predviđena u ovom postupku, a kao jedino prihvatljiva ponuda sa cijenom znatno prelazi planirana i osigurana sredstva u budžetu za ovu nabavku.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 69. stav (1) tačka b), stav (2) tačka e) i članom 70. Zakona o javnim nabavkama BiH („Službeni glasnik BiH“ broj 39/14), ugovorni organ mora donijeti odluku o poništenju postupka.

Priznaju se troškovi za sastav žalbe u iznosu od 562,50 KM (petstotinašezdesetdva i 50/100 KM ).

Imajući u vidu navedeno, Ministarstvo unutrašnjih poslova Kantona Sarajevo je na osnovu člana 200. stav (1) Zakona o upravnom postupku („Službene novine F BiH“, broj 2/98 i 48/99) i člana 100. stav (3) Zakona o javnim nabavkama Bosne i Hercegovine, riješilo kao u dispozitivu rješenja.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



Protiv ovog rješenja dopuštena je žalba Uredu za žalbe Agencije za javne nabavke Bosne i Hercegovine, u roku od 5 dana od dostavljanja ovog rješenja. Žalba se podnosi neposredno drugostepenom organu, uz obavezu dostavljanja kopije žalbe ovom Ministarstvu.



**DOSTAVITI:**

1. „Lala i Lačo“ d.o.o. Bijeljina zastupan  
po punomoćniku Grozdi Đukić, advokatu iz Bijeljine,
2. „R&S“ d.o.o. Sarajevo,
3. Komisiji
4. u spis,
5. a/a



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16

